


**Biodiversity Heritage Site (BHS) in Meghalaya  
Umkon Village of Ri-Bhoi District  
(Khlaw Kur Syiem Kmielng)  
Garo Language**



Published by Meghalaya Biodiversity Board  
Silviculture Building, Lower Lachumiere,  
Shillong-793001



**Meghalaya A-Dokni Skanggipa Biodiversity Heritage Site(BHS),Ko Parakatani:**

Khlaw Kur Syiem Kmieing biapko Meghalaya sorkari Biodiversity Heritage Site (BHS) ine 13th December 2018,o u-iataha. Ia biap Ri-bhoi District, Umling Block-ni ning-o donggipa Umkon songo donga. Ian skanggipa gamsenggipa biodiversity site ong-a jean 16.05 Ha area apalachim uko BHS ine Meghalayao parakataha.

**Maiarang Biological Diversity Heritage Site-rang ong-a?**

Biodiversity Heritage Sites (BHS), ine aganon ian gipinrangoni dingtangmanchagipa biap, altuae nostu ong-ako ba gimaatoko man-na amgipa sam-bol, do-o-mat, jonturang, ma-manti me-gimuni rokomrang aro gamsenggipa a-a chi iandakgipa biaprang ong-a jeon minga ba una bate mongsonggipa bakrang gngang jekai; rokom ma-malni do-o matrang, gamchatgipa sam-bolrang, nikronggijagipa sam-bol, burungni do-o matrang jekon biap ge-sanosan nikna man-aigipa ba dongaigipa, man-na neng-gipa aro gimana kenchakgipa gamchata sam-bol do-o-matrang, ecosystem-ko tangate rakkigrikigipa aro pangchakgrikigipa sam-bol aro matburungrang (keystone species), gamchatgipa bimik bitchirirangko naatna amgipa rokomari sam-bolrang (species of evolutionary significances), do-burung, do-mesal, wakburung dolrang aro burungni cha-gipa bolam bite jerangkon da-o songo noko jila kaa aro ge-anirangko daka (wild ancestors of domestic/cultivated species) aro skangni mia misi bitchilrang aro gamchatgipa ro-ong, ba rangsil gamrangan Biodiversity Heritage site-rang ong-a.

**BHS in Meghalaya:**

Meghalaya a-doko gamchatgipa, ripinge rakkina namgipa ba nanggipa biaprang bang-en dongenga jekon BHS ine channa gita ama. Rongtalgipa Burung bolgrim(Sacred Groves) aro songni manderangni ripinge rakkigipa dingtang dingtang burungrangba BHS ine channa kragipa biaprang ong-a. Una agreba gimaangenggipa, nikna neng-angenggipa do-o-mat aro sam-bolrangna dongchakna aro tangate rakkina dakchakgipa gamchatgipa biap ba burung bolgrimrang gngang. Meghalaya a-dokni dingtang dingtang biaprangni nikna man-gipa tanggipa bol ja dilni jal-angrangan(living root bridges) ong-telaigipa bakrangko jakkale dakna rikna changa sapaniko tangmesokgipa ong-a jean a-doko songdongenggipa manderangni chasongni chasongna man-rikrikbaenggipa gamchata dakbewal, u-ia ma-siani aro changa sapaniko parak mesoka. Ia bol ja dilni jal-angrangan Biodiversity Heritage Sites ine ra-na gita ama. Una agreba biaprang jeon chengo intalonin rokomanti gamenggipa mi misirangko ripinge rakkikubaengachim uarangkoba BHS ine donna gita ama.



**Dakchakchina Mol-molani (An Appeal):**

Meghalaya Biodiversity Board, Meghalaya a-doko songdongenggipa songni nokni manderangko (local communities) indonga gamchatgipa biap a-jarangko uamangni bilni ning-o ong-e BHS ine donchina mol-molata. BHS ine donatengon uan a-ani a-nokgipa ong-e donganiko dingtangatja. Indiba batesa songnokni manderangni biaprangko gisiko nange ripingna kam ka-anina man-na kragipa mingnama bimingko ra-baa. BHS dingtangmancha India a-songni aro a-gilsak gimikni (at national and international level) gadango ta-raken manderangni nikanio rachakako aro gisik alatako/nangatako man-gipa ong-a. BHS gamchatgipa biaprangko tange ripinge rakkina gita nangenggipa tangka paisarangko ra-bana dakchakasan ong-aia indiba songnokni manderangni janggi tangani gadangkoba tang-dotna dakchaka. Biap a-jako BHS ine ra-on, songnokni manderang gamchatgipa biaprangko on-kange ripingna kam ka-anichi aro biaprangko an-tangtangan jako ra-e nirok simsakanichi - dolgninan apsan mikkang nitea grigipa man-dapaniko ra-bae on-na dakchaka. Songtangtango Biodiversity Management Committees (BMCs)ko bikotchina Meghalaya Biodiversity Board, Meghalaya a-dokni manderangko okam ku-monga aro rimchaksoa aro ia BMCsni gitan nangnikgipa niamni ja-pangrangkoba (propose constitution) tarina man-gen. Meghalaya Biodiversity Board uamangko dakchakna kusi ong-begen.

